

LAERSKOOLOCHNERHOF

Sarel Cilliersstraat, Strand / Posbus 124, Strand

Tel: 021-854 7316 / Faks: 021-853 4711

E-pos: admin@lochnerhof.co.za

Webtuiste: www.lochnerhof.co.za

SMS: LH (gevolg deur boodskap) na 34050



NUUSBRIEF 23 VAN 2012

UIT DIE HOOF SE PEN

ONS DROOM GROOT MET AKSIE!

Geniet die lewe!

Lees: Psalm 146:1-10

Loof die Here! Ek moet en ek wil graag die Here loof so lank ek lewe.
(Psalm 146:1-4)

Iemand het eenkeer gesê: "The worst moment in the life of an atheist is when he is thankful and he has no one to thank." Dit het 'n siekte van ons tyd geword om die hele dag te loop en brom oor alles wat verkeerd is. Op die ou einde maak jy net jouself ongelukkig! Begin liewer met ander, nuwe oë na jou omstandighede en die lewe rondom jou te kyk.

Geluk is nie afhanglik van omstandighede nie. Geluk is 'n lewenskeuse. Jy kan self besluit of jy op die slegte in die lewe wil fokus en/of jy graag die mooi dinge wil raaksien. Gaan sit 'n bietjie en kyk na jou eie lewe. Daar is baie dinge waarvoor jy dankbaar kan wees! Vat 'n stuk papier en begin om dit een vir een neer te skryf. As jy klaar is, vat nog 'n papier en skryf dit ook vol met dinge waarvoor jy vir God kan dankie sê. Noem dinge by die naam en sê byvoorbeeld dankie vir jou beste vriendin wat so goed is vir jou of dat jou geliefde jou so bederf. Moenie sommer net in die algemeen dankie sê nie. Bid dan vir God en sê vir Hom dankie terwyl jy hierdie papiere in jou hand vashou en hierdie sake waarvoor jy so dankbaar is, een vir een opnoem. Kyk dan hoeveel gelukkiger jy steeds word!

- Prof.Hennie Stander se blog -

DAGBOEK / SPORT

WOENSDAG, 15 AUGUSTUS	RUGBY VS HENDRIK LOUW (TUIS)
DONDERDAG, 16 AUGUSTUS	HELDERBERG EISTEDDFOD (KORE)
VRYDAG, 17 AUGUSTUS	OUDTSHOORN TOER (O/10-O/13)

GRONDSLAGFASE

Dit bly 'n fees en 'n ongelooflike voorreg om met kinders te kan werk.

As **sielkundige** sien ons hoe 'n kind met hangskouers die probleem aanpak en oorwin.

As **verpleegster** maak ons die seer beter, vee die tranen af en huil soms lekker saam.

As **kommunikeerde** kan ons vir 'n ouer sê welgedaan, julle het 'n pragtige kind.

As **onderwyser** sien ons hoe die oë blink as hulle iets reg kry en verstaan.

As **motiveerde** sien ons dat hulle altyd hulle beste sal gee as hulle positiewe motivering kry.

As **waarnemer** sien ons dat hulle pappas en mammas vir hulle die belangrikste in hul lewe bly.

As **mens** is ons soms broos, vol foute en net mens en tog is ons in die kinders se oë die beste.

Wenners, elke glimlag, elke groet en elke drukkie maak die onderwys vir ons die beste beroep ooit.

Conquesta is 'n eksterne assessering wat ons skool doen om ons kinders te verryk en ekstra blootstelling te gee. Dit tel glad nie vir die rapport nie en word ook nie deur die onderwysers gemerk nie.

Beloofte 10 van 10:

As jy een met My is, sal My gees jou tevredenheid gee om vergenoegd te wees met wat jy het, met die besef dat God gee soos wat hy nodig het en wat Hy gee, gee Hy altyd genoeg sodat jy niks sal kortkom nie.

Etiket: Sorg dat jou naels en hare altyd skoon is.

INTERMEDIËRE EN SENIOR FASE

Hierdie week is een van ons akademiese hoogtepunte in die jaar. Ja, dis weer Conquestatyd! Vanjaar skryf 174 graad 4 tot 7-leerders 'n totaal van 564 vraestelle in Wiskunde, Afrikaans, Engels en Natuurwetenskap. Baie dankie aan elke kind (en ouer) wat die afgelope tyd gereeld vraestelle uitgewerk en voorberei het vir hierdie olimpiade. Ons hou stof duimvas vir julle.

Ons herinner ook ons Breinboelies aan ons vergadering volgende Dinsdag. In die gees van die Olimpiese Spele gaan ons ons breine boelie en baie pret hê met SW. Moet ook nie vergeet van die Afrikaanse week wat binnekort begin nie. Spaar solank 'n geldjie vir die LAPA-boekverkoping en onthou van Fanie Viljoen se kuiertjie op 13 September.

SCOOTERS PIZZA



SCOOTERS PIZZA STRAND het 'n spesiale aanbod aan ons Lochie-gesinne. U kan 'n School VIP-kaart koop teen **R100** waarop daar verskillende koeponne beskikbaar sal wees, bv. *koop 2 groot pizzas en kry 1 groot Margharita pizza gratis*. Die **vervaldatum van die koeponne is 28 Februarie 2013**.

Neem asb. kennis dat die VIP-kaart **slegs by die skool te koop sal wees** (Ontvangs) en nie aan leerders uitgedeel gaan word om te verkoop nie.

Lochnerhof kry 85% van die VIP-kaartverkope wat ons dan gaan **gebruik om die skoolsaal se voorportaal te restoureer**.

Ons sê by voorbaat dankie vir u ondersteuning.

SPORT

Die naweek van 17 en 18 Augustus gaan ± 170 leerlinge van ons skool op 'n toer na Oudtshoorn om rugby, netbal en hokkie te speel. Ons gaan Vrydagaand tuis in die *Pearl of Oudtshoorn* hotel. Leerders gaan ook Vrydag die Kango-grotte besoek en 'n aandete in die Spur geniet.

Dankie aan ons ouers wat help met vervoer. Sonder julle kan ons nie die toer doen nie. Aan al ons spelers, doen julle bes, geniet die geleentheid en onthou ons gedrag moet onberispelik wees.

Geluk aan **Matthew Cordy, Juan Mostert, Reagan van der Westhuizen en Hanru Jacobs** wat O/12 Rugby WP-kleure ontvang het!

Francois Cilliers (gr.5) het 5 Augustus aan 'n Sanlam WP Glasier Gholf kompetisie deelgeneem en derde in sy groep geëindig - baie geluk!

GHOLFDAG - 27 SEPTEMBER 2012



Ons hou 'n gholfdag op Donderdag, 27 September by Strand Gholfbaan. Almal is welkom om die dag saam met Lochnerhof te kom geniet. Die inskrywingsvorms is beskikbaar by me. Gerda de Bruyn. Kontak haar gerus rakende 4-bal, pryse, borge of donasies. Me. de Bruyn se e-pos is gdebruyn@lochnerhof.co.za of kontaknommer 021-8547316.

PERSONALIA

Baie geluk aan **mnr. Jack Snyman** (dissiplinêre beampte) wat verlede week sy verjaarsdag gevier het!

Lochie-van-die-Week: Gr.1-3

GR.1A MARZELL SCHREIBER

GR.1B KARLA ADENDORFF

GR.1C BIANCA BARNARD

GR.1D ANJA LIGHART

GR.1E CARLA KNOETZE

GR.2A ADRIAAN FRYLINCK

GR.2B CHANTÉ BRITZ

GR.2C DOMINIQUE LA COCK

GR.2D LE ROUX BENADE

GR.3A SCHALK VAN SCHALKWYK

GR.3B AMELIA VAN ASWEGEN

GR.3C LIZA WOODWARD

GR.3D SUNé LERM



Lochie-van-die-Week: Gr.4-7

GR.4 DIAN JACOBS

AMé GERBER

CASEY KLAASE

MELISSA BOTHA

GR.5 CORNEL FOURIE

GR.6 ZANDRA JOUBERT

HANNAH-LEE ERASMUS

MIJEAN LUDEMAN

CHEREÉ ROELOFSE

QUINTIN CRONJE

GR.7 JAYDE JEFTHA

SAMANTHA STEYN

LLEWELLYN FERREIRA

JJ STOVER

